

տներ և գոմեր հրդեհուել — այրուել ու մոխիր են դարձել, բայց չարագործները անյայտ ու անպատիժ են մնացել: 60—75 կտրիճ և քաջ Հայ կրիտասարգներ հէնց վարելիս, ցանելիս և կամ հնձելիս՝ գնդակահար են եղել վերջին 30 տարուայ մէջ:

Դժբախտ երկրագործ ժողովրդի եղջիւրաւոր և հնդանիների եղջիւրները արմատից փշրելը, ականջներից մէկը կտրելը, կամ պոչից ու աչքից զրկելը և կամ յետևի ոտքի ծունկի վերևից հաստ երակը ջլատելը, թուրքերի համար շատ հասարակ և սովորական բաներ են: Այսպիսի վայրենի բարբարոսութեամբ նրանք ուրախանում և զուարճանում են, որ իրենց հարեան գեաւուրները (անհաւատները) մեծամեծ ֆնասներ են կրում և թըշուառ վիճակի մէջ են ընկնում: Վերջին 1897 և 1900 թ. երբոր եղել եմ իմ հայրենի աշխարհում, տեղական Հայ և թուրք ազգեցիկ գիւղացիներին միշտ յորդորել և խրատել եմ, որ իրենց այդպիսի կործանիչ արարքներին վերջ տան ընդ միշտ: Իբրեւ օրինակ իմ տեսածներիցս առաջ բերելով՝ ասել եմ, թէ «Խրիմի ընդարձակ դաշտերում, դուք կտեսնէք խոտի բազմաթիւ դէզեր, դարմանով լիքը մարագներ, որոնք պահւում են իբրեւ պաշար միւս—հետեւալ տարուայ համար: Սակայն այդ խոտի դէզերին կամ դարմանով լիքը մարագներին ոչ ոք չի մօտենում, չի գողանում և չի հրդեհում ու այրում:

Դուք կտեսնէք Խրիմում անթիւ ու անհամար մշակուած հրաշալի պարտէզներ ու այգի-